


ქედის მუნიციპალიტეტის
საკრებულოს თავმჯდომარის
ანგარიში
საკრებულოს 2025 წლის
მუშაობის შესახებ

SAKREBULO OF KEDA MUNICIPALITY



**ქედის მუნიციპალიტეტის საკრებულოს თავმჯდომარის ანგარიში
საკრებულოს მუშაობის შესახებ**

ქედის მუნიციპალიტეტის საკრებულო არის წარმომადგენლობითი ორგანო, რომელიც განსაზღვრავს ქედის მუნიციპალიტეტის განვითარების ძირითად მიმართულებას.

მუნიციპალიტეტის საკრებულო აირჩევა 4 წლის ვადით, მუნიციპალიტეტის ტერიტორიაზე რეგისტრირებული საქართველოს მოქალაქეების მიერ, პირდაპირი არჩევნებით, საყოველთაო, თანასწორი საარჩევნო უფლების საფუძველზე, ფარული კენჭისყრით.

2025 წლის იანვრიდან ოქტომბრამდე მოქმედმა საკრებულომ აქტიურად იმუშავა ადგილობრივი განვითარების, ბიუჯეტის შესრულებისა და სხვა მნიშვნელოვანი ფუნქციების შესრულების მხრივ.

2025 წლის ადგილობრივი თვითმმართველობის არჩევნები საარჩევნო კანონმდებლობაში განხორციელებული მნიშვნელოვანი ცვლილებებით ჩატარდა.

აღნიშნული ცვლილებების შესაბამისად, ადგილობრივი თვითმმართველობის ორგანოთა 2025 წლის 4 ოქტომბრის არჩევნებზე, 4 წლის ვადით, ამომრჩევლებმა აირჩიეს ქედის მუნიციპალიტეტის – საკრებულოს 24 წევრი. აქედან, 9 წევრი – ადგილობრივი ერთმანდატიანი მაჟორიტარული საარჩევნო ოლქების ტერიტორიაზე, ხოლო 15 წევრი – პროპორციული წესით ქედის მუნიციპალიტეტის მთელ ტერიტორიაზე.

2025 წლის 30 ოქტომბერს შედგა ქედის მუნიციპალიტეტის მიმდინარე მოწვევის საკრებულოს პირველი სხდომა. საკრებულომ თავისი შემადგენლობიდან, მუნიციპალიტეტის საკრებულოს უფლებამოსილების ვადით, ხმათა უმრავლესობით აირჩია მუნიციპალიტეტის საკრებულოს თავმჯდომარე და საკრებულოს თავმჯდომარის მოადგილეები.

პირველივე სხდომაზე საკრებულოს წევრებმა წარმოადგინეს განცხადება ფრაქციის რეგისტრაციის შესახებ. შესაბამისად, ქედის მუნიციპალიტეტის საკრებულოში რეგისტრირებული იქნა ორი ფრაქცია: „ქართული ოცნება“ და „ხალხის ძალა“.

კანონმდებლობით გათვალისწინებული პროცედურების დაცვით განისაზღვრა საკრებულოს კომისიათა შემადგენლობები და არჩეული იქნა კომისიის თავმჯდომარეები.

საკრებულოს უფლებამოსილება და საქმიანობა განისაზღვრება „ადგილობრივი თვითმმართველობის კოდექსი“-ს, საქართველოს სხვა საკანონმდებლო და კანონქვემდებარე ნორმატიული აქტებითა და მუნიციპალიტეტის საკრებულოს რეგლამენტის შესაბამისად.

საკრებულოს ძირითადი პრინციპებიდან გამომდინარე (კანონიერება, საჯაროობა, კოლეგიურობა, დამოუკიდებელი პასუხისმგებლობა, წარმომადგენლობითი პრინციპულობის დაცვა, მოსახლეობის აზრის გათვალისწინება, თვითმმართველობის განხორციელებაში მოქალაქეთა ჩართულობის უზრუნველყოფა, ანგარიშვალდებულება მოსახლეობის წინაშე) ახორციელებს თავის საქმიანობას.



საკრებულო, მისი ორგანოები და თანამდებობის პირები თავის საქმიანობაში ხელმძღვანელობენ და მათი უფლებამოსილება განისაზღვრება საქართველოს კონსტიტუციით და სხვა შესაბამისი ნორმატიული აქტებით.

საკრებულოს ბიურო, რომლის შემადგენლობაშიც საკრებულოს თავმჯდომარე, მისი მოადგილეები, კომისიებისა და ფრაქციების ხელმძღვანელები შედიან, მუნიციპალიტეტის საქმიანობის მთავარ მაკოორდინირებელ ორგანოს წარმოადგენს. ბიურო უზრუნველყოფს საკრებულოს მუშაობის სტრატეგიულ დაგეგმვას, სხდომების დღის წესრიგის მომზადებასა და კომისიების საქმიანობის ზედამხედველობას. ამასთანავე, იგი ახორციელებს ადგილობრივი თვითმმართველობის თანამდებობის პირთა საქმიანობის კონტროლს, განსაზღვრავს სამართლებრივი აქტების განხილვის ვადებს და იღებს მნიშვნელოვან ორგანიზაციულ თუ ადმინისტრაციულ გადაწყვეტილებებს საკრებულოს ეფექტიანი ფუნქციონირებისთვის.

მუნიციპალიტეტის საკრებულოში საკითხების წინასწარი მომზადების, გადაწყვეტილებათა შესრულებისათვის ხელის შეწყობის, მერიის, მისი სტრუქტურული ერთეულებისა და მუნიციპალიტეტის მიერ დაფუძნებული იურიდიული პირების კონტროლის მიზნით შექმნილია კომისიები.

ქედის მუნიციპალიტეტის საკრებულო

5 მუდმივმოქმედი კომისია

- ❖ სამანდატო, საპროცედურო საკითხთა და ეთიკის კომისია
- ❖ საფინანსო-საბიუჯეტო კომისია
- ❖ სივრცით-ტერიტორიული დაგეგმარების და ინფრასტრუქტურის კომისია
- ❖ ქონების მართვისა და ბუნებრივი რესურსების საკითხების კომისია
- ❖ სოციალურ საკითხთა კომისია

2 ფრაქცია

- ❖ ფრაქცია „ქართული ოცნება“
- ❖ ფრაქცია „ხალხის ძალა“

საკრებულოს კომისიების საქმიანობა

ქედის მუნიციპალიტეტის საკრებულოს სამანდატო, საპროცედურო საკითხთა და ეთიკის კომისიამ 2025 წლის საანგარიშო პერიოდში ჩატარდა კომისიის 8 სხდომა, რომელზეც განხილულ იქნა 15 საკითხი. აღსანიშნავია კომისიის მიერ მიღებული დადებითი გადაწყვეტილებები ისეთ სამართლებრივი აქტის პროექტებზე, როგორცაა:

1. „ქედის მუნიციპალიტეტის საკრებულოს აპარატის დებულების დამტკიცების შესახებ“ ქედის მუნიციპალიტეტის საკრებულოს 2017 წლის 25 აგვისტოს №13 დადგენილებაში ცვლილების შეტანის შესახებ ქედის მუნიციპალიტეტის საკრებულოს დადგენილების პროექტი.
2. ქედის მუნიციპალიტეტის მერიის შიდა აუდიტის სამსახურის 2024 წლის ანგარიშის მოსმენა - განხილვა.
3. „ქედის მუნიციპალიტეტის საკრებულოს რეგლამენტის დამტკიცების შესახებ“ ქედის მუნიციპალიტეტის საკრებულოს 2016 წლის 3 მაისის №6 დადგენილებაში ცვლილების შეტანის შესახებ“ ქედის მუნიციპალიტეტის საკრებულოს ნორმატიული აქტის (დადგენილება) პროექტი;
4. „ქედის მუნიციპალიტეტის ბიუჯეტიდან წარმომადგენლობითი ხარჯების დაფინანსებისა და ხარჯვის წესის დამტკიცების შესახებ“ ქედის მუნიციპალიტეტის საკრებულოს ნორმატიული აქტის (დადგენილება) პროექტი;
5. „საქართველოს რეგიონული განვითარების სამინისტროსა და მუნიციპალიტეტს შორის უფლებამოსილების განხორციელების დელეგირების შესახებ 2025 წლის 01 ოქტომბერს დადებული ხელშეკრულების დამტკიცების შესახებ“ ქედის მუნიციპალიტეტის საკრებულოს ინდივიდუალური აქტის (განკარგულება) პროექტი;
6. „ქედის მუნიციპალიტეტის 2026 წლის ადგილობრივი ბიუჯეტის დამტკიცების შესახებ“ ქედის მუნიციპალიტეტის საკრებულოს ნორმატიული აქტის (დადგენილება) პროექტი.

2025 წლის საანგარიშო პერიოდის განმავლობაში საფინანსო - საბიუჯეტო კომისიის მიერ ჩატარებულ 10 სხდომაზე განხილული იქნა 13 საკითხი, მათ შორის:

1. „ქედის მუნიციპალიტეტის მიერ 2024 წლის შესყიდვების გეგმის ფარგლებში განხორციელებული შესყიდვების ანგარიში“;
2. ქედის მუნიციპალიტეტის 2024 წლის ადგილობრივი ბიუჯეტის შესრულების ანგარიში და 2025 წლის ყოველკვარტალური შესრულების ანგარიშები;
3. „ქედის მუნიციპალიტეტის ტერიტორიაზე სოფლის მხარდაჭერის პროგრამის ფარგლებში 2025 წელში განსახორციელებელი ღონისძიებათა დამტკიცების თაობაზე“ ქედის მუნიციპალიტეტის საკრებულოს ინდივიდუალური აქტის (განკარგულება) პროექტი;
4. ქედის მუნიციპალიტეტის 2026 წლის ადგილობრივი ბიუჯეტის დამტკიცების შესახებ“ ქედის მუნიციპალიტეტის საკრებულოს ნორმატიული აქტის (დადგენილება) პროექტი.

საკრებულოს სივრცით-ტერიტორიული დაგეგმარებისა და ინფრასტრუქტურის კომისიამ 2025 წლის საანგარიშო პერიოდში ჩატარა 7 კომისიის სხდომა, რომელზეც განხილული იქნა 9 საკითხი.

კომისიის გადაწყვეტილებით, საკრებულოს სხდომაზე ინიცირებული იქნა და დამტკიცდა გეოგრაფიული ობიექტების სახელდება:

1. სოფელ წონიარისის მე-12 ქუჩა და მე-12 ქუჩის I ჩიხი;
2. გაგრძელდა სოფელ კოკოტაურის მე-5 ქუჩა;
3. სოფელ საბადურში გაგრძელდა მე-3 ქუჩა, დამტკიცდა: მე-4 ქუჩა, მე-4 ქუჩის I და II ჩიხი და მე-5 ქუჩა.

2025 წლის საანგარიშო პერიოდის განმავლობაში ქედის მუნიციპალიტეტის საკრებულოს ქონების მართვისა და ბუნებრივი რესურსების კომისიის მიერ ჩატარებული იქნა კომისიის 6 სხდომა, განხილულ იქნა 12 საკითხი. მათ შორის იყო მუნიციპალიტეტის აღმასრულებელი ხელისუფლების მიერ მიღებულ გადაწყვეტილებები მუნიციპალური ქონების განკარგვასთან დაკავშირებით ქედის მუნიციპალიტეტის საკუთრებაში არსებული უძრავი და მოძრავი ქონების სახელმწიფო დაწესებულებებისთვის გადაცემაზე ქედის მუნიციპალიტეტის მერისთვის თანხმობის მიცემის შესახებ.

საკრებულოს სოციალურ საკითხთა კომისიამ 2025 წლის საანგარიშო პერიოდში გამართა 8 სხდომა და განიხილა 11 საკითხი, მათ შორის:

1. „ადრეული აღზრდისა და განათლების მომსახურების მიმწოდებელი ან/და სკოლამდელი აღზრდისა და განათლების მომსახურების მიმწოდებელი აწ/და მხოლოდ სასკოლო მზაობის პროგრამის განმახორციელებელი დაწესებულების პერსონალის პროფესიული სტანდარტების დამტკიცების შესახებ“ ქედის მუნიციპალიტეტის საკრებულოს 2017 წლის 29 სექტემბრის №20 დადგენილებაში ცვლილების შეტანის შესახებ;
2. ა(ა)იპ „ქედის კულტურის ცენტრი“-ს მიერ 2024 წელს გაწეული საქმიანობის შესახებ ინფორმაციის მოსმენა;
3. „ქედის მუნიციპალიტეტის ქალთა და ბავშვთა საკითხებზე მომუშავე მუნიციპალური საბჭოს შექმნისა და მისი დებულების დამტკიცების შესახებ“ ქედის მუნიციპალიტეტის საკრებულოს ნორმატიული აქტის (დადგენილება) პროექტი;
4. შპს „ქედის ტურიზმის განვითარების ხელშეწყობის ცენტრი“-ს მიერ 2024 წელს გაწეული საქმიანობის შესახებ ინფორმაციის მოსმენა;
5. ა(ა)იპ „ქედის სახელოვნებო სკოლა“-ს მიერ 2024 წელს გაწეული საქმიანობის შესახებ ინფორმაციის მოსმენა.

საკრებულოს აპარატის ორგანიზაციული საქმიანობის საერთო ხელმძღვანელობა

მუნიციპალიტეტის საკრებულოს საქმიანობას ორგანიზაციულად უზრუნველყოფს საკრებულოს აპარატი. საკრებულოს აპარატის ამოცანებია: საკრებულოს თავმჯდომარის, თავმჯდომარის პირველი მოადგილისა და მოადგილეების, საკრებულოს წევრების, კომისიების, ფრაქციების საქმიანობის ორგანიზაციული, იურიდიული, დოკუმენტური, საინფორმაციო, საფინანსო და მატერიალურ-ტექნიკური უზრუნველყოფა. აპარატის საქმიანობის საერთო ხელმძღვანელობას ახორციელებს საკრებულოს თავმჯდომარე, ხოლო აპარატს ხელმძღვანელობს აპარატის უფროსი.



საკრებულოს საქმიანობის საერთო მონაცემები

2025 წელს ქედის მუნიციპალიტეტის საკრებულოს მიერ ჩატარდა 15 საკრებულოს სხდომა და ბიუროს 14 სხდომა.

საკრებულოს სხდომებზე განხილულ იქნა სულ: 80 საკითხი, მათ შორის მიღებული იქნა 60 განკარგულება და 20 დადგენილება.

საკრებულოს კომპეტენციების გათვალისწინებით, მიღებულ იქნა გადაწყვეტილებები ქედის მუნიციპალიტეტის მნიშვნელოვანი და პრიორიტეტული მიმართულებების მიხედვით, მათ შორის:

- ურბანული განვითარება;
- ტრანსპორტი;
- ეკოლოგია და გამწვანება;
- სოციალური უზრუნველყოფა და ჯანდაცვა;
- განათლება, კულტურა, სპორტი და ახალგაზრდობა;
- ეკონომიკური პოლიტიკა;
- მუნიციპალური ქონების მართვა;
- გეოგრაფიული ობიექტების სახელდება.

2025 წლის სანგარიშო პერიოდში საკრებულოს წევრების მიერ ინიცირებული და საკრებულოს სხდომაზე დამტკიცებული იქნა 13 სამართლებრივი აქტის პროექტი. აქედან:

- საკრებულოს თავმჯდომარის მიერ ინიცირებული 5;
- კომისიის თავმჯდომარეების მიერ ინიცირებული 2;
- ფრაქციის თავმჯდომარის მიერ ინიცირებული 6.

წი ბიუჯეტის ფორმირება და ფინანსური მართვა

გასული წლის განმავლობაში მუნიციპალიტეტის ერთ-ერთ მთავარ პრიორიტეტს მუნიციპალური ბიუჯეტის რაციონალური და ეფექტიანი განკარგვა წარმოადგენდა. ჩვენი გადაწყვეტილებების საფუძველზე, საბიუჯეტო რესურსების მობილიზება მოხდა იმ სტრატეგიული მიმართულებებისკენ, რომლებიც პირდაპირ კავშირშია ადგილობრივი ინფრასტრუქტურის განახლებასა და მუნიციპალური სერვისების ხარისხის ზრდასთან. ხაზგასასმელია, რომ ფინანსური მართვის პროცესი წარიმართა კონტროლისა და გამჭვირვალობის პრინციპების დაცვით, რაც უზრუნველყოფს თითოეული საბიუჯეტო ლარის მიზნობრივ ხარჯვას ჩვენი მუნიციპალიტეტის განვითარების სასიკეთოდ.

2025 წელს მუნიციპალიტეტის მთავარმა ფინანსურმა დოკუმენტმა რეკორდულ მაჩვენებელს მიაღწია. იგი თავდაპირველი რედაქციით 29 მილიონ 297 500 ლარით განისაზღვრა, ხოლო შემდგომში განხორციელებული ცვლილებების შედეგად, რაც ძირითადად მისაღები შემოსულობების პროგნოზების გათვალისწინებით განხორციელდა, 32 მილიონ 559 658 ლარი შეადგინა. აღსანიშნავია, რომ 2026 წლის ბიუჯეტი 2025 წლის დამტკიცებულ ბიუჯეტთან მიმართებით მნიშვნელოვნად გაზრდილია. შესაბამისად, ქედის მუნიციპალიტეტის მოსახლეობისათვის აუცილებელი კიდევ უფრო მეტი, ახალი სოციალური და ინფრასტრუქტურული პროექტი ხორციელდება.

მუნიციპალიტეტის 2025 წლის ბიუჯეტი შემდეგ მიმართულებებზე გადანაწილდა:

- ✦ სატრანსპორტო ინფრასტრუქტურის მშენებლობა - აღდგენა
- ✦ ინფრასტრუქტურის ობიექტების მშენებლობა, ექსპლოატაცია და ავარიული სახლების ჩანაცვლება
- ✦ ეკოლოგიური მდგომარეობის შენარჩუნება და გაუმჯობესება
- ✦ ეკონომიკის განვითარების ხელშეწყობა
- ✦ ბინათმესაკუთრეთა ამხანაგობების განვითარება

- ✦ ჯანმრთელობის დაცვა და სოციალური უზრუნველყოფა
- ✦ განათლება, კულტურა, სპორტი და ახალგაზრდობა
- ✦ საზოგადოებრივი წესრიგი და უსაფრთხოება

2025 წლის 26 დეკემბერს ქედის მუნიციპალიტეტის საკრებულოს N17 დადგენილებით დამტკიცდა ქედის მუნიციპალიტეტის 2026 წლის ადგილობრივი ბიუჯეტი, რომლის მოცულობა 32 მილიონ 776 400 ლარი შეადგინა.

სოციალური საკითხები და მოსახლეობის მხარდაჭერა

განსაკუთრებული ყურადღება დაეთმო სოციალური პოლიტიკის გაძლიერებასა და იმ პროგრამების მხარდაჭერას, რომლებიც ორიენტირებულია მოსახლეობის მოწყვლადი ჯგუფების დაცვასა და მათი ცხოვრების პირობების გაუმჯობესებაზე. საკრებულოს მიერ დამტკიცებული სოციალური პროგრამები და ჯანდაცვის ინიციატივები გასულ წელს გახდა მნიშვნელოვანი გარანტი ჩვენი თანამოქალაქეებისთვის საჭირო სერვისების ხელმისაწვდომობის კუთხით. ჩვენი მიზანია, თვითმმართველობის მიერ გაწეული მზრუნველობა იგრძნოს თითოეულმა ოჯახმა, რისთვისაც სოციალური პროგრამების დახვეწა და მათი მასშტაბების გაზრდა მომავალშიც ჩვენი საქმიანობის ძირითად მიმართულებად დარჩება.

2025 წელს ქედის მუნიციპალიტეტში ჯანმრთელობისა და სოციალური დაცვის მიმართულებით 16 მიზნობრივი პროგრამა განხორციელდა. ამ კუთხით ჯამურმა ბიუჯეტმა 3.7 მილიონ ლარზე მეტი შეადგინა, რის შედეგადაც დახმარება 4 600-ზე მეტმა მოქალაქემ მიიღო. ცალკე აღნიშვნის ღირსია მერის სარეზერვო ფონდი, რომლიდანაც დამატებით 200 210 ლარი გამოიყო 397 ბენეფიციარისთვის.

გარდა პირდაპირი დაფინანსებისა, მუნიციპალიტეტმა აქტიურად იმუშავა შუამდგომლობებზე: დახმარება გაეწია 254 ოჯახს საცხოვრებელი უზრუნველყოფის ნაწილში (მათ შორის 11 სახლ დამწვარ ოჯახს), ხოლო 495 ოჯახისთვის მოხდა გეოლოგიური დასკვნების მომზადება. სამუშაო პროცესის მასშტაბურობაზე მეტყველებს დოკუმენტ ბრუნვაც — წლის განმავლობაში ქედის მუნიციპალიტეტის მერიის მიერ დამუშავდა 15 000-ზე მეტი წერილი.

- 💰 3.7 მლნ+ ₾ — სოციალური და ჯანდაცვის ბიუჯეტი.
- 👤 4 600+ ბენეფიციარი — პროგრამებით მოსარგებლე მოქალაქეები.
- 🏠 254 ოჯახის შუამდგომლობა — საცხოვრებელი ფართით უზრუნველყოფაზე.
- 🏗️ 495 გეოლოგიური კვლევა — უსაფრთხოების მონიტორინგის ფარგლებში.
- ✉️ 15 184 კორესპონდენცია — მაღალი ადმინისტრაციული აქტივობა.

2025 წელი ქედის მუნიციპალიტეტისთვის კულტურული და სპორტული თვალსაზრისით განსაკუთრებით ნაყოფიერი იყო. კულტურული ღონისძიებების მხარდასაჭერად გამოიყო 99 741 ლარი, რის ფარგლებშიც 37 მნიშვნელოვანი აქტივობა განხორციელდა. პრიორიტეტია ნიჭიერი ახალგაზრდების წახალისება — განათლების ხელშეწყობის პროგრამით 111-მა წარმატებულმა ახალგაზრდამ ისარგებლა, რისთვისაც ბიუჯეტიდან 87 700 ლარი მიიმართა.

განსაკუთრებით საამაყოა სპორტული მიღწევები. სპორტისა და ახალგაზრდობის სფეროში ჩადებულმა 263 700 ლარმა კონკრეტული შედეგები გამოიღო: ჩვენმა სამმა სპორტსმენმა ევროპის ჩემპიონატზე ოქროს მედლები მოიპოვა, ხოლო საფეხბურთო გუნდმა ანტალიის საერთაშორისო ტურნირზე II ადგილი დაიკავა. ჯამში, ადგილობრივი სასპორტო სკოლის მოსწავლეებმა წლის განმავლობაში სხვადასხვა სინჯის 151 მედალი მოიპოვეს, რაც ჩვენი სწორი სპორტული პოლიტიკის დასტურია.

ინფრასტრუქტურის განვითარება და ურბანული ტრანსფორმაცია

„2025 წელს ქედის მუნიციპალიტეტის საკრებულოსთვის ინფრასტრუქტურული პროექტების მხარდაჭერა და მათი დროული იმპლემენტაცია უალტერნატივო პრიორიტეტს წარმოადგენდა. ჩვენი მიზანი იყო ისეთი გარემოს შექმნა, სადაც მუნიციპალური სერვისები თანაბრად ხელმისაწვდომი იქნებოდა როგორც ცენტრალურ დასახლებებში, ისე მაღალმთიან სოფლებში.

საანგარიშო პერიოდში განსაკუთრებული ყურადღება დაეთმო საგზაო ინფრასტრუქტურის მოწესრიგებას, შიდა სასოფლო გზების რეაბილიტაციასა და გარე განათების თანამედროვე სისტემების დანერგვას. საკრებულოს მიერ დამტკიცებული საბიუჯეტო ასიგნებები მიიმართა არა მხოლოდ კოსმეტიკური განახლებისკენ, არამედ ისეთი კაპიტალური მშენებლობებისკენ, რომლებიც მუნიციპალიტეტის სატრანსპორტო და ლოგისტიკურ გამტარუნარიანობას ზრდის. გარდა ამისა, მნიშვნელოვანი ნაბიჯები გადაიდგა წყალმომარაგებისა და სანიაღვრე სისტემების მოწესრიგების კუთხით, რაც პირდაპირ კავშირშია მოსახლეობის უსაფრთხოებასა და ცხოვრების ხარისხის გაუმჯობესებასთან.

მუნიციპალიტეტის ინფრასტრუქტურული განვითარების ფარგლებში, 2025 წელს განსაკუთრებული აქცენტი გაკეთდა სასმელი წყლის სისტემების მოდერნიზებაზე. 761 031 ლარის ინვესტიციით, ჩვენ შევძელით ისეთი კრიტიკული მნიშვნელობის პროექტების განხორციელება სოფლებში: ზენდიდი, ოქტომბერი, კვამტა და ახო, რომლებიც ათწლეულების განმავლობაში აწუხებდა ადგილობრივ მოსახლეობას.

მოეწყო თანამედროვე რკინა-ბეტონის რეზერვუარები და მაგისტრალური მილსადენები, რაც გარანტიაა იმისა, რომ ჩვენი მოქალაქეები უზრუნველყოფილნი იქნებიან ხარისხიანი სასმელი წყლით. ეს პროექტები არის ნათელი მაგალითი იმისა, თუ როგორ გარდაიქმნება საბიუჯეტო რესურსი ხალხისთვის საჭირო და სასიცოცხლოდ მნიშვნელოვან შედეგად. მომავალ წელს ჩვენ ვგეგმავთ კიდევ უფრო გავზარდოთ დაფინანსება ამ მიმართულებით, რათა წყალმომარაგების პრობლემა საბოლოოდ აღმოიფხვრას მუნიციპალიტეტის ყველა დასახლებაში.

ჩვენი ხედვით, გამართული ინფრასტრუქტურა არის მთავარი წინაპირობა მუნიციპალიტეტში ინვესტიციების მოსაზიდად და ტურისტული პოტენციალის რეალიზებისთვის, რისთვისაც მომავალ წელს კიდევ უფრო მასშტაბურ პროექტებს ჩავუყრით საფუძველს.

სტატისტიკურ მონაცემები საკრებულოს მიერ გასული თორმეტი თვის მანძილზე გაწეული საქმიანობის შესახებ

მონაცემები საკრებულოს ბიუროს სხდომების შესახებ

- საანგარიშო პერიოდში ჩატარებული საკრებულოს ბიუროს სხდომების რაოდენობა - 14;
- საკრებულოს ბიუროს მიერ განხილული საკითხების რაოდენობა - 87;

მონაცემები საკრებულოს სხდომების შესახებ

საანგარიშო პერიოდში ჩატარებული საკრებულოს სხდომების რაოდენობა - 15. მათ შორის:

- მორიგი სხდომების რაოდენობა - 9;
- რიგგარეშე სხდომების რაოდენობა - 6;
- დახურული სხდომების რაოდენობა: 0

საანგარიშო პერიოდში საკრებულოს სხდომებზე განხილული საკითხები, მათ შორის:

- ✦ მორიგ სხდომაზე განხილული საკითხების რაოდენობა- 66;
- ✦ რიგგარეშე სხდომაზე განხილული საკითხების რაოდენობა - 14;
- ✦ დახურულ სხდომაზე განხილული საკითხების რაოდენობა: 0
- ✦ საანგარიშო პერიოდში მიღებული განკარგულების რაოდენობა - 60;
- ✦ საანგარიშო პერიოდში მიღებული დადგენილების რაოდენობა - 20;
- ✦ საანგარიშო პერიოდში მიღებული დადებითი გადაწყვეტილებების რაოდენობა - 80;
- ✦ საანგარიშო პერიოდში უარყოფითი გადაწყვეტილებების რაოდენობა - 0;

მონაცემები საკრებულოში შემოსული განცხადებების რაოდენობის შესახებ

- o საკრებულოში შემოსული განცხადებებისა და წერილების რაოდენობა 129;
- o საკრებულოში შემოსული მოქალაქეთა კოლექტიური განცხადებების რაოდენობა - 0;

მონაცემები საკრებულოში მოქალაქეთა მიღების შესახებ

- საკრებულოს სხდომაზე დამსწრე მოქალაქეთა რაოდენობა - 37;
- საკრებულოს სხდომაზე მოქალაქეთა მიერ გაკეთებული განცხადებების რაოდენობა - 0;
- საკრებულოს თავმჯდომარის მიერ მიღებული მოქალაქეთა რაოდენობა - 265;

 ქედის მუნიციპალიტეტის საკრებულოს საქმიანობის შეჯამება და პერსპექტივები

2025 საანგარიშო პერიოდში ქედის მუნიციპალიტეტის საკრებულოს საქმიანობა გამოირჩეოდა მაღალი პროდუქტიულობით, ინსტიტუციური მდგრადობითა და შედეგზე ორიენტირებული მიდგომებით. ჩვენი მუშაობის წარმატების არსს წარმოადგენდა მჭიდრო, კონსტრუქციული და პარტნიორული თანამშრომლობა მუნიციპალიტეტის აღმასრულებელ ორგანოსთან. სწორედ ამ კოორდინირებულმა ძალისხმევამ და საერთო ხედვამ მოგვცა შესაძლებლობა, ოპერატიულად გვეპასუხა ადგილობრივი გამოწვევებისთვის და მიგველო ისეთი პრინციპული გადაწყვეტილებები, რომლებიც საფუძვლად დაედო მუნიციპალიტეტის სოციალურ-ეკონომიკურ ტრანსფორმაციას.

ერთობლივი მუშაობის პროცესში დამტკიცებული თითოეული სამართლებრივი აქტი თუ მუნიციპალური პროგრამა პირდაპირ აისახა მოსახლეობის კეთილდღეობის გაუმჯობესებაზე, ინფრასტრუქტურის განახლებასა და სოციალური ფონის სტაბილურობაზე. ჩვენ შევძელით დაგვეწერა მოქალაქეზე ორიენტირებული მართვის მოდელი, სადაც მუნიციპალიტეტის პრიორიტეტები სრულად თანხვედრაშია ჩვენი ხალხის რეალურ საჭიროებებთან.

რაც შეეხება სამომავლო გეგმებს, 2025 წლის მიღწევები ჩვენთვის მხოლოდ მყარი პლატფორმაა უფრო მასშტაბური რეფორმების განსახორციელებლად. მომავალ პერიოდში საკრებულოს პრიორიტეტად რჩება ეკონომიკური თვითმყოფადობის გაძლიერება, ტურისტული პოტენციალის მაქსიმალური ათვისება და სოფლის მეურნეობის მხარდაჭერის ახალი მექანიზმების დანერგვა. ჩვენ ვაპირებთ კიდევ უფრო გავაფართოოთ სოციალური დაცვის ქსელი და განსაკუთრებული ყურადღება დავუთმოთ ახალგაზრდული ინიციატივების წახალისებას, რათა შევქმნათ გარემო, სადაც თითოეულ ქედელს ექნება განვითარებისა და თვითრეალიზაციის თანაბარი შესაძლებლობა. ჩვენი მიზანი უცვლელია - ქედის მუნიციპალიტეტის, თანამედროვე და ძლიერ თვითმმართველ ერთეულად ჩამოყალიბება.

წარმოდგენილი ანგარიში სრულად ასახავს საკრებულოს გასული წლის საქმიანობას და იმ გამჭვირვალე გადაწყვეტილებებს, რომლებიც ორიენტირებული იყო მუნიციპალიტეტის მდგრად პროგრესზე. თითოეული გადადგმული ნაბიჯი ემსახურებოდა ჩვენი თანამოქალაქეების სოციალურ-ეკონომიკური მდგომარეობის გაუმჯობესებას და ქმნის მყარ საფუძველს მუნიციპალიტეტის შემდგომი გაძლიერებისა და გრძელვადიანი განვითარებისთვის.

დასასრულს, მსურს კიდევ ერთხელ აღვნიშნო, რომ 2025 წლის განმავლობაში საკრებულოს მიერ გაწეული ყოველი საქმიანობა, მიღებული გადაწყვეტილება და მხარდაჭერილი პროგრამა ეყრდნობოდა ერთადერთ მიზანს — ქედის მუნიციპალიტეტის განვითარებასა და ჩვენი თანამოქალაქეების კეთილდღეობას. ჩვენ მიერ შექმნილი საფუძველი გვაძლევს იმედს, რომ მომავალ წელს კიდევ უფრო მასშტაბურ და წარმატებულ პროექტებს განვახორციელებთ.

